

SAD - BiH

## Nepromijenjena strategija

**Amerika će se posebno usredotočiti na ustavne promjene i na odredbu kojom se nebošnjacima, nehrvatima i nesrbima osporava pravo na aktivno učešće u Vladi i u Parlamentu**

Budućnost balkanskih zemalja je u Evropskoj uniji i NATO-u. Sjedinjene Američke Države taj put snažno podržavaju, rekao je zamjenik američke državne tajnice za Evropu i Evroaziju Philip H. Gordon na konferenciji za novinare, prije odlaska državne tajnice Hillary Clinton u Bosnu i Hercegovinu, Srbiju i na Kosovo. Gospodin Gordon je za Glas Amerike precizirao da će gospođa Clinton balkansku turneju

ju u političkim aktivnostima tokom posjete, te da će to biti prilika za susret Dodik - Clinton, ali da službene posjete Banjoj Luci, zbog nedostatka vremena, ovog puta neće biti.

“State Department će u BiH i drugim balkanskim zemljama pojačati komunikaciju i podršku nevladinim organizacijama i civilnom društvu. U okviru tih napora, Clinton će u Sarajevu imati susret i sa studentima, kojima nosi poruku američke podrške suverenitetu i integritetu jedinstvene Bosne i Hercegovine, za koju smatra da mora imati funkcionalnu vladu koja će je povesti ka NATO-u i EU. Da bi se to desilo, politički lideri i političke partije moraju ostvarivati konstruktivnu saradnju, implementirati promjene koje se od njih na tom putu očekuju” - rekao je Philip Gordon.

### Jasni uvjeti

Na pitanje da li se to odnosi i na ustavne promjene, Gordon je odgovorio: “Da, posebno na ustavne promjene i posebno na odredbu kojom se nebošnjacima, nehrvatima i nesrbima osporava pravo na aktivno učešće u Vladi i u Parlamentu. Mi



Washington: Velika očekivanja od balkanske turneje

početi u Sarajevu, 11. septembra, nakon čega će boraviti u Beogradu i Prištini, a 14. septembra sastati se sa predstavnicima Evropske unije i ministrima zemalja članica NATO-a u Bruxellesu.

### U Banju Luku, drugi put

Državna tajnica Hillary Clinton će se u Sarajevu sastati sa sva tri sadašnja člana Predsjedništva BiH Harisom Silajdžićem, Nebojšom Radmanovićem i Željkom Komšićem, ali i sa novoizabranim članom Predsjedništva Bakrom Izetbegovićem. Ona će imati sastanak i sa visokim predstavnikom Valentinom Inzkom, poslije čega će uslijediti posjeta novom kampusu američke ambasade koji će uskoro biti otvoren.

Na pitanje da li će se Clintonova sastati sa sadašnjim premijerom i novim predsjednikom Republike Srpske Miloradom Dodikom, gospodin Gordon je odgovorio da su i gospodin Dodik i drugi politički akteri svakako pozvani da učestvu-

smo to i ranije podržavali i naša strategija ostaje nepromijenjena, ali će Bosanci morati sami definirati svoj ustav, sa promjenama koje se moraju napraviti.”

Naše naredno pitanje, pitanje da li State Department smatra da je put ka NATO-u možda lakši, jer direktno i odmah ide u prilog sva tri konstitutivna naroda, a zauzvrat donosi sigurnost i stabilnost, Gordon je za Glas Amerike prokomentirao:

“Apsolutno da. Mi snažno podržavamo članstvo BiH u NATO-u i ubijedeni smo da bi to bila snaga koja ujedinjuje sve narode u BiH. Međutim, za to postoje vrlo jasni uvjeti, a oni nisu ispunjeni. Prijem BiH u program MAP je bio uvjetovan i sa žaljenjem moram konstatirati da traženi uvjeti nisu ispunjeni, da ta mošnji lideri nisu učinili nikakav pomak u tom pravcu. Najvažnije je bilo registriranje vojne imovine, i to se nije desilo. Državna tajnica Hillary Clinton će ponovo upozoriti na potrebu da se to što prije uradi.”

## Uoči dolaska Hillary Clinton u Sarajevo



Bijela kuća : Od novoizabranih lidera se očekuje da odmah počnu raditi na ustavnoj reformi

**U Akcioni plan za članstvo u NATO-u naša zemlja je uslovno primljena na ministarskom sastanku ovog aprila u glavnom gradu Estonije. Nažalost, vojna imovina još nije uknjižena na državu i zbog toga je propušten prvi godišnji ciklus MAP-a**

Daniel OMERAGIĆ

Bosna i Hercegovina nije ispunila uslov postavljen u aprilu ove godine na sastanku ministara vanjskih poslova zemalja članica NATO-a u Tallinnu (Estonija), o knjiženju 69 lokacija sa perspektivnom nepokretnom vojnom imovinom. Zbog toga u septembru nismo mogli započeti sa realizacijom prvog godišnjeg nacionalnog plana (ANP), kada po pravilu startaju ciklusi iz Akcionog plana za članstvo u NATO-u (MAP).

Na ovu činjenicu političke lidere u našoj zemlji će podsjetiti američka državna tajnica Hillary Clinton, koja će posjetu regionu započeti u ponedjeljak, 11. oktobra, upravo u Sarajevu kako bi potakla novoizabrane čelnike na ustavnu reformu i potrebu za stvaranjem funkcionalne države. Ona dolazi sa porukom da Sjedinjene Američke Države ostaju snažno privržene Bosni i Hercegovini i njenom budućem članstvu u

NATO-u i Evropskoj uniji. Od novoizabranih lidera se očekuje da odmah počnu raditi na ustavnoj reformi, kako bi BiH postala funkcionalna.

### Otvorena vrata

Odluka da Bosna i Hercegovina uslovno bude primljena u MAP, koji je završna stepenica na putu prema Sjevernoatlantskom savezu, donesena je kako bi se ohrabrile reforme. Bila je to pružena ruka prijatelja iz NATO-a, koji su željeli pokazati da su nam otvorena vrata najmoćnijeg političko-vojnog saveza današnjice. Sa druge strane, ispunjavanjem uslova postavljenog na neformalnom ministarskom sastanku u Tallinnu, Bosna i Hercegovina je trebalo da uvjeri NATO da je u stanju da sama rješava neka ključna pitanja. Brzo se, ipak, vidjelo da to neće ići lako, pa je tajnica Clinton u junu morala napisati pismo predsjedavajućem Predsjedništva BiH Harisu Silajdžiću.

- Kao što znate, 69 nekretni-

na mora biti registrirano na državu i dato na upotrebu Ministarstvu odbrane prije nego BiH podnese svoj godišnji nacionalni program i iskoristi u potpunosti prednosti procesa MAP ove jeseni. Svjesna sam da Vi imate snažne stavove o ovom pitanju i da još ne postoji konsenzus o tome kako ovo napraviti unutar postojećeg pravnog okvira. Međutim, važno je da sve strane nastave tražiti praktično rješenje, koje će omogućiti vašoj zemlji da započne Godišnji nacionalni program ove godine. Kako smo i ranije razmatrali, važno je da lideri pređu preko etničkih podjela i nađu zajedničko tlo kada je riječ o temama koje su vašim građanima najvažnije, napisala je, uz ostalo, Clinton.

Njeno pismo je naišlo na negativnu reakciju premijera Republike Srpske Milorada Dodika, koji je odbacio mogućnost da se vojna imovina na teritoriji tog entiteta knjiži na državu. Umjesto toga, Narodna skupština RS-a je donijela Zakon o

V I J E S T I

### BPS-Sefer Halilović



### Neregularni izbori

BPS-Sefer Halilović saopćio je da su počeli pristizati brojni izvještaji i prigovori na provođenje izbornog procesa diljem FBiH. Uspjeli smo prikupiti ozbiljan broj izjava i izvještaja s terena koji govore o neregularnom izbornom procesu u FBiH i velikom broju općina u FBiH, navodi se u saopćenju. Stranka bi do utorka trebala imati sve izjave i dokaze s terena o neregularnostima i zloupotrebama kao i prevarama na biračkim mjestima širom FBiH nakon čega će podnijeti prigovor CIK-u i zatražiti ponovno brojanje glasova u mnogim općinama u FBiH, a negdje i ponovno prebrojavanje glasova u kantonima.

### Aleksandar Džombić



### Dobar posao u Washingtonu

Ministar finansija RS-a Aleksandar Džombić izjavio je jučer da je kredit Svjetske banke za podršku entitetskom budžetu u ovoj godini, od oko 60 miliona KM, efektivan i da može biti realizovan do kraja novembra. “Iskoristili smo priliku da na marginama redovnog godišnjeg sastanka SB-a i MMF-a u Washingtonu obavimo niz sastanaka sa predstavnicima ove dvije institucije, a posebno u kontekstu realizacije kreditne podrške budžetu RS-a u ovoj godini. Nema nikakvih smetnji za povlačenje sredstava, kredit postaje efektivan i možemo ga realizovati do kraja novembra”, naglasio je Džombić.



# Sjedinjene Američke Države ostaju snažno privržene Bosni i Hercegovini

statusu državne imovine koja se nalazi na teritoriji RS-a.

Državna tajnica Clinton dolazi u Bosnu i Hercegovinu kada je ovdje donekle smirenija situacija. Istina, podjele su i dalje duboke, ali američka administracija računa na to da bi sa novim vlastima mogla bolje sarađivati i pomoći im da ispune dva ključna vanjskopolitička cilja koja je BiH sama pred sebe postavila - članstvo u NATO-u



Hillary Clinton: BiH pred reformama

Evropskoj uniji. Nakon Sarajeva odlazi u Beograd i Prištinu, a potom u Bruxelles gdje će još jednom ukazati na evropsku perspektivu zapadnog Balkana.

## Odmah na posao

Zastupnik SDA u Zastupničkom domu Parlamentarne skupštine BiH i zamjenik predsjedavajućeg Zajedničke komisije za odbranu i sigurnost Šefik Džaferović izjavio je za Oslobođenje da bi trebalo početi raditi na ispunjavanju uslova za MAP, ne čekajući uspostavu nove vlasti.

- To odmah mogu uraditi postojeće entitetske vlade i Vijeće ministara u skladu sa butmirskom deklaracijom, koja je govorila o vojnoj imovini. Izbori su prošli i ta retorika treba da prestane. Politička scena u BiH se mora uozbiljiti kako bi se omogućilo Ministarstvu odbrane i državi BiH da kao vlasnik uknjiži tih 69 perspektivnih vojnih lokacija i da možemo započeti prvi godišnji akcioni plan za članstvo u NATO-u. U tome nam treba pomoći i međunarodna zajednica. Tu nema ništa sporno. To je imovina koju već koristi MO tako da se sam o

formalno treba uknjižiti kao vlasništvo države BiH, rekao je Džaferović, naglašavajući da je riječ o imovini koja je sukcesijom pripala našoj zemlji.

U Socijaldemokratskoj partiji BiH, koja je na ovim općim izborima osvojila najveći broj glasova, smatraju da bi možda upravo na bazi dogovora o ustavnim promjenama i ispunjavanju uslova za NATO i EU moglo doći do formiranja buduće parlamentarne većine.

- Iskreno se nadamo i vjerujemo da će nova parlamentarna većina uspjeti otkočiti taj proces kako bi BiH nastavila užurbano da se kreće prema evroatlantskim integracijama. Zbog toga, i svega ostalog, SDP će raditi na tome da se što prije formira vlast u BiH, koja će biti proevropski ustrojena i čija će glavna agenda, pored pet politika SDP-a (ekonomija, vladavina prava, socijalna reforma, obrazovanje i zdravstvo, op. a.) biti ispunjavanje evroatlantskih integracija, rekao je Damir Mašić, glasnogovornik SDP-a.

Na samom početku potrebno je, veli Mašić, sve uraditi da dođe do ustavnih promjena kako bi se otklonile diskriminatorne odredbe, ali i BiH napravila funkcionalnom državom koja će biti u stanju da ispunjava obaveze.

- U tom pravcu je i predsjednik Lagumdžija razgovarao sa komesarom za proširenje EU gospodi-

## Majkić: Nema odstupanja

Predsjedavajuća Doma naroda Parlamentarne skupštine BiH i članica Zajedničke komisije za odbranu i sigurnost Dušanka Majkić (SNSD) podsjeća da je ovog ljeta Republika Srpska donijela Zakon o statusu državne imovine na teritoriji RS-a, prema kojem je sve što se nalazi na teritoriji tog entiteta njegovo vlasništvo.

- Ta imovina može samo posebnim ugovorom sa Savjetom ministara BiH biti data na korištenje institucijama na koje je RS prenio nadležnosti ili su ustavne nadležnosti BiH, ali ne i u trajno vlasništvo. To je ključni stav Republike Srpske i njene narodne skupštine od kojeg se ne odstupa i on neće biti promijenjen ni u razgovoru sa gospođom Clinton. Niko od srpskih predstavnika nema pravo da bilo šta drugačije uradi. Od nečeg što je nacionalni interes neće se odstupiti. Moraće se nešto učiniti - ili da se olabave ti uslovi ili ne znam šta da se uradi. Poznato je da je knjiženje vojne imovine na BiH jedan od najvećih uslova na putu od MAP-a prema članstvu. To nema smisla. Zašto bi pitanje imovine bilo pitanje NATO integracija? Apsolutno je neuvjerljivo, kazala je Majkić.

Bez obzira na moguće pritiske, ona ističe da Republika Srpska neće odustati od svog stava.

- Mi smo navikli na pritiske, rekla je Majkić.

nom Štefanom Füleom. Vjerujemo da će nova parlamentarna većina, predvođena SDP-om, uspjeti odgovoriti na sve ove zadatke, koje nije ispunila prethodna vlast. Kao pobjednička i buduća poziciona politička partija, daćemo sve od sebe da budemo predvodnici tog procesa. Svi koji nam se pridruže na tom putu su dobrodošli, kazao je on.

## Jedino rješenje

I Mašić je uvjeren da postoji samo jedan način da se riješi pitanje vojne imovine.

- To je državna imovina i treba da pripadne državi. Svi oni koji pokušavaju naći druge razloge zbog čega to ne treba tako biti jednostavno su opstrukcionista i kočničari procesa u BiH, rekao je Mašić.

U HDZ-u BiH o ovom pitanju imaju gotovo istovjetan stav, kao i ostale stranke iz Federacije BiH. Zamjenica ministra odbrane Marina Pendeš veli da imovina koja je potrebna MO treba biti knjižena na državu, ali i da se mora pronaći rješenje za lokacije koje će u budućnosti biti proglašene neperspektivnim.

## Milorad Dodik



## Relaksirajući stav SAD-a

Predsjednik Vlade RS-a Milorad Dodik izjavio je da odnose u BiH može da relaksira stav SAD-a da neće upotrebljavati silu i moć kako bi uticale na određena rješenja, već da će pomoći održavanju dijaloga i prihvatiti sve ono što se domaći lideri dogovore. "Mi nemamo problem sa SAD-om. To je jedna velika zemlja, garant stabilnosti i mira u ogromnom dijelu svijeta. Naši problemi su u pogledu posmatranja onoga što su unutrašnji problemi u BiH. Mi nismo zagovornici politike jakih centralnih institucija i mislimo da BiH treba vratiti na izvorni dejtonski okvir", rekao je Dodik.

## Haški tribunal



## Brammertz u BiH 18. oktobra

Serge Brammertz, glavni haški tužilac dolazi u Sarajevo najvjerovatnije 18. oktobra, tvrdi pouzdani izvor Oslobođenja. Osnovni povod Brammertzovoj ovoj posjeti nije nam poznat, iako ima indicija da je riječ o jednoj od uobičajenih posjeta nadležnim institucijama Bosne i Hercegovine čelnika haškog tužilaštva.

Glavni haški tužilac će se u glavnom gradu Bosne i Hercegovine zadržati jedan dan, i imati više sastanaka s zvaničnicima i s nevladinim sektorom, nakon čega se očekuje Brammertzova ocjena saradnje naše zemlje sa Tribunalom. **E. K.**

## Patrick Robinson



## Izuzetak je Karadžić

Predsjednik Međunarodnog kaznenog suda za bivšu Jugoslaviju Patrick Robinson predstavio je sedamnaesti godišnji izvještaj ICTY-a Generalnoj skupštini UN-a. Naglasio je napredak koji je postignut i izazove s kojima se ICTY suočava u provođenju strategije okončanja svog rada. Robinson je još jednom ponovio svoj poziv država članicama da pomognu ICTY-u da rad privede kraju na ekspeditivan i pravičan način. Prema najnovijim procjenama, sva suđenja bi trebalo da budu okončana 2012. godine, s izuzetkom suđenja Radovanu Karadžiću.

## Cerić u Kini



## Posjeta zajednici muslimana

Reisu-l-ulema Mustafa Cerić nalazi se u Pekingu u sklopu delegacije Rabite sa sjedištem u Mekki radi posjete muslimanskoj zajednici u Kini. Riječ je o prvoj značajnoj posjeti visoke muslimanske delegacije Kini koju pored Cerića čine Abdullah el-Turki, generalni tajnik Rabite, Abdurrahman Suwar al-Zahab iz Sudana, Ahmad Muhammad Hulejl, vrhovni sudija Jordana, Muhamed Hidajet Nur Wahid, bivši parlamentarac Indonezije, Abdullah el-Ma'tuq, bivši ministar vakufa Kuvajta, Mehmed Gormež, zamjenik reisu-l-uleme Turske.